

Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aninggaasalorsorneqarnissaannullu killiliussatut piumasaqaatit pillugit Inatsisartut inatsisaat

Kapitali 1

Siunertaq aamma aaqqissuussaaneq

§ 1. Inatsisartut inatsisaanni Nuummi Ilulissanilu nunani tamalaani mittarfiit kiisalu Qaqortumi nunap immikkoortuani mittarfiup sananeqarnissaannut, aninggaasalorsorneqar-nissaannut ingerlanneqarnissaannullu Kalaallit Airports A/S-imut sinaakkutissatut piumpasaqaatit aalajangersarneqarput, taamaattoq takuuk § 3, imm. 2.

Imm. 2. Kalaallit Airports A/S-ip suliassat imm. 1-imi pineqartunut ilaasut ingerlatseqatigiiffinni immikkoortortaqarfiusuni ataatsimi arlalinniluunniit isumagisinnaavai. Namminersorlutik Oqartussat suliassat imm. 1-imi pineqartunut ilaasut isumagineqarnissaannut ingerlatseqatigiiffinnik piginnittunik imaluunniit ingerlatseqatigiiffinnik suleqatigisanik pisariaqartunik 100 %-imik pigineqartunik pilersitsisinnaapput.

Imm. 3. Inatsimmi aalajangersakkani allani Kalaallit Airports A/S-imi taamatuttaaq suliassat imm. 1-imi pineqartunut ilaasut isumagineqarnissaannut ingerlatseqatigiiffit immikkoortortaqarfut plusinnaasut pineqartunut ilaapput.

Kapitali 2

Mittarfiit nutaat

§ 2. Kalaallit Airports A/S-ip Nuummi aamma Ilulissani nunani tamalaani mittarfiit, taakkununnga aallartarfinnut tikittarfinnullu atortut kiisalu attaveqaqtiginnermut aamma suliaqarnernut, sanaartukkanut illutanullu tassunga assingusunut aaqqissuussinerit ilanngullugit, sanassavai, pigissavai ingerlatissallugillu.

§ 3. Kalaallit Airports A/S-ip Qaqortumi nunap immikkoortuani mittarfiit, tassungalu aallartarfinnut tikittarfinnullu atortut kiisalu attaveqaqtiginnermut aamma suliaqarnernut, sanaartukkanut illutanullu tassunga assingusunut aaqqissuussinerit ilanngullugit, sanassavai, pigissavai ingerlatissallugillu.

Imm. 2. Suliassat imm. 1-imi pineqartunut ilaasut aammalu aningaasartuutit tassunga atasut pisortani sullissivimmut allamut imaluunniit ingerlatseqatigiiffimmut Namminersorlutik Oqartussanit pigineqartumut tunniunneqarsinnaasut, Naalakkersuisut aalajangersinnaavaat.

Kapitali 3

Mittarfit nutaat sanaartornissaannut aningaasalersuineq

§ 4. Kalaallit Airports A/S-ip Inatsisartut inatsisaat manna naapertorlugu Nuummi aamma Ilulissani nunani tamalaani mittarfiit kiisalu Qaqortumi nunap immikkoortuani mittarfiup sanaartorneqarnerinut aningaasartuutit akilissavai, taamaattoq takuuq § 3, imm. 2. Sanaartornermut aningaasartuutit nammineerluni aningaasaatit aqqutigalugit kiisalu taarsigassarsinikkut aningaasalersorneqassapput.

§ 5. Namminersorlutik Oqartussat Inatsisartut inatsisaat manna naapertorlugu Nuummi aamma Ilulissani nunani tamalaani mittarfiit sananeqarnissaannut aningaasartuutit ilaannut nammineerluni aningaasalersuinissamut kiisalu Qaqortumi nunap immikkoortuani mittarfiup tamakkiisumik nammineq aningaasalersornissaanut atugassanik aningaasanngorlugit 2,1 mia. koruunit tikillugit aktianut taarsigassarsianullu akisussaaffeqarfiusunut aningaasaliillutik Kalaallit Airports A/S-imut qulakkeerinnissapput.

Imm. 2. Naalakkersuisut pisussaatinnejarpot Kalaallit Airports A/S-imut avataanit attartorfit uppernarsaammik allangortinneqarsinnaanngitsumik tunissallugit, Namminersorlutik Oqartussat piginneqatigiisummik aningaasaliissuteqassasoq aamma taarsigassarsianut akisussaaffeqarfiusunut aningaasanngorlugu 2,1 mia. koruunit tikillugit aningaasaliilluni.

§ 6. Naalakkersuisut Kalaallit Airports A/S-imi aktianut aningaasaatinik ataasiarlutik arlaleriarlutiluunniit qaffaanissamut piginnaatinnejarpot.

Imm. 2. Aningaasaatinut qaffaatissat ataatsikkut akilerlugit 2,1 mia. koruunit tikillugit aningaasaatinut aningaasaliinissamut Naalakkersuisut atsiornerisigut aammalu § 7 malillugu aallarniutitut akiliuteqarnikkut, pisinnaavoq. Tamatuma saniatigut Naalakkersuisut 0,7 mia. koruunit tikillugit naalagaaffik Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortortaqarfiusumi aningaasaatinut qaffaatissanik ataatsikkut akilerlugit atsiortinnissaanut piginnaatinnejarpot.

Imm. 3. Naalakkersuisut Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortortaqarfiusumi aktiaatilittut pisinnaatitaaffit pillugit danskit naalakkersuisuinit piginittut isumaqatigiisutaannik isumaqatigiisuteqarnissamut piginnaatinnejarpot.

§ 7. Naalakkersuisut isumaqatigiisuteqarnikkut imaluunniit aallarniutitut akiliuteqarnikkut Nuummi aamma Ilulissani Namminersorlutik Oqartussat mittarfi pioreersut tunniussinnaavaat, ilanggullugit pigisat aalaakkaasut aamma teknikkikkut atortut imalunniit taakkua ilai kiisalu Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortortaqarfiusumi nunaminertanut pisinnaatitaaffit. Pisinermi akigititassaasinnaasoq Namminersorlutik Oqartussat Kalaallit Airports A/S-imi Nuummi aamma Ilulissani

nunanit tamalaanit mittarfiit sanaartorneqarnissaannut ingerlanneqarnissaannullu
ingerlatseqatigiffimmut immikkoortortaqarfiusumut taarsigassarsitsinerasigut
uppernarsarneqarsinnaavoq.

§ 8. Naalakkersuisut Inatsisartut Aningaasaqarnermut Akileraartarnermullu Ataatsimiitaliaanit akuerineqarlutik piginnaatinneqarput, Kalaallit Airports A/S-imut avataanit attartorfinnut taarsigassarsianut qularnaveeqquisiinissamut, tulliullugu nunap karsianiit taarsigassarsinissamut, taakkualu Nuummi aamma llulissani nunani tamalaani mittarfiit aningaasalersornissaannut Kalaallit Airports A/S-imut ingerlateqqillugit taarsigassarsiaritissinnaallugit.

Kapitali 4

Mittarfinnut neqerooruteqartitsineq kiisalu atorfinititsinermut tunngasut

§ 9. Kalaallit Airports A/S-ip sanaartugassanut illuliassanullu Inatsisartut inatsisaanni matumani pineqartunut, nunani tamalaani neqerooruteqartitsinikkut aammalu nunani tamalaani suleriutsit naapertorlugit isertortumik neqerooruteqartitsinikkut neqeroorutinik pissarsiniarsinnaapput.

Imm. 2. Inissialortiternermi sanaartornermilu neqeroorutinik pissarsiniartarneq pillugu Inatsisartut inatsisaat sanaartukkanut, imm. 1-imi pineqartunut, atutissangnilaq.

§ 10. Kalaallit Airports A/S neqerooruteqartitsinermi, illuliormermi sanaartornermilu sulisut, § 9, imm. 1-imi pineqartuni illuliortiternermi sanaartornermilu suliaqarnermi sulisorineqartut aningaasarsianut atorfinitinnermilu atugassarititaasuni Kalaallit Nunaanni pissutsit malillugit nalinginnaasuni pineqartunut ilaatinneqassasut, piumasaqaatigissavaa.

Imm. 2. Imm. 1-imi taaneqartutut aningaasarsianik naatsorsuinermi sulisitsisup, illuliormermi sanaartornermilu sulisunik nunanit allaneersunik sulisoqartup, sulisartup nerisaqarnerata ineqarneratalu aammalu sullisaasa atisat nalingat naatsorsuinermi ilaatisinnaavai, taamaattoq annerpaamik taakkua akleraarutitigut nalingat tikillugu annertussuseqartumik.

§ 11. Illuliormermi sanaartornermilu sulisoq nunanit allaneersoq, illuliormermik sanaartornermllu suliaqarnermi sulisorineqartoq, § 9, imm. 1-imi pineqartunut ilaasoq, Kalaallit Nunaanni sulinermit sulinngiffeqarnissamik katersissaaq. Sulinngiffeqartarneq pillugu Inatsisartut inatsisaat illuliormermi sanaartornermilu sulisunut nunanit allaneersunut, illuliormermik sanaartornermllu § 9, imm. 1-imi pineqartunut ilaasumik suliaqarnermi sulisorineqartunut, atutinngilaq.

Imm. 2. Ukioq katersiffusoq tassaavoq qaammatisiutit malillugit ukioq. Illuliormermi sanaartornermilu sulisoq nunanit allaneersoq qaammatisiutit malillugit ukiumi piffissamit qaammatinit 12-init sivikinnerusumik Kalaallit Nunaanni sulisimappat, ukioq katersiffusoq taamaallaat piffissamut sivikinnerusumut tassunga tunngassuteqassaaq.

Imm. 3. Sulinngiffeqarnissamut katersorneqassapput, ukiumi katersiffiusumi nalunaaquttap akunnerinut ataasiakkaanut tamaginnut nalinginnaasumik suliffiusuni nalunaaquttap akunneri 0,096. Ukiumi katersiffiusumi sapaatip akunneranut nalunaaquttap akunnerini 40-ni nalinginnaasumik suliffeqarnermi, nalunaaquttap akunneri 200-ini sulinngiffeqarsinnaatitaanermut katersuisoqarsimassaaq. Nalunaaquttap akunnerini ikinnerusuni suliffeqarsimanermi, nalunaaquttap akunneri sulinngiffeqarfiusussat taamaaqatai

katersorneqarsimassapput. Ukumi katersiffiusumi annerpaamik nalunaaquttap akunneri 200-it sulinngiffeqarfiusussat katersorneqarsinnaapput.

Imm. 4. Nalunaaquttap akunneranut sulinngiffeqarfissatut katersorneqartunut tamaginnut sulinngiffeqarnermi ajunngitsorsiassat sulisitsisup akilissavai. Sulinngiffeqarnermi ajunngitsorsiassat nalunaaquttap akunneranut sulinngiffeqarfiusussamut ataatsimut aningaasartalerlugin tunniunneqassapput, taanna ukumi katersiffiusumi nalunaaquttap akunneranut suliffiusumut ataatsimut sulisup agguaqatigiissillugu aningaasarsiaatut annertussuseqassalluni.

Imm. 5. Sulinngiffeqarnermi ajunngitsorsiassat ukiup katersiffiusup naanerani tunniunneqassapput, taamaattoq kingusinnerpaamik soraarnermi aallarnermut atatillugu.

§ 12. Sulisitsisup illuliornermik sanaartornermillu suliaqarnermi illuliornermi sanaartornermillu sulisunik nunanit allaneersunik § 9, imm. 1-imi pineqartunut ilaasunik sulisoqartup isumaqatigiissummi makkuninnga pisussaaffeqarnissaa, Kalaallit Airports A/S-ip qulakkiissavaa:

- 1) Sulitilluni ajoquusernissamut sillimmasiissummut aamma inuussutissarsiorluni napparsimalernissamut sillimmasiissummut inatsimmi pisussaaffiliussamut sillimmasiisimanissaan aningaasartuutinillu akiliinissa.
- 2) Illuliornermi sanaartornermillu sulisunik nunanit allaneersunik, peqqinnissaqarfiup sullississutai pillugit inatsit sukkulluunniit atuuttoq malillugu akeqanngitsumik sullinngeqarnissamut pisinnaatitaanngitsunik, napparsimasunik ajoquusersimasunillu aallarussinissamut, assartuussinissamut katsorsaanissamullu aningaasartuutinut matussutissamik sillimmasiissummut sillimmasiinissaq aningaasartuutinillu akiliinissaq.
- 3) Illuliornermi sanaartornermillu sulisut nunanit allaneersut, § 9, imm. 1-imi pineqartuni illuliornermik sanaartornermillu suliaqarnermi sulisorineqarunnaarpata, Kalaallit Nunaannit aallarnissaasa qulakkeernissa taakkununngalu aningaasartuutinik akiliinissaq.

Imm. 2. Naalakkersuisut illuliornermi sanaartornernilu sulisut nunanit allaneersut peqqissusaannut, ilanngullugu misissorneqartarnerinut uppermarsaasiisarnerinullu, maleruagassanik aalajangersaasinnaapput.

§ 13. Illuliornermi sanaartornermillu sulisut nunanit allaneersut paasineqassapput tassaasut, sulisartoq kinaluunniit piumasaqaatinik makkuninnga naammassinnissimasoq:

- 1) sulisartoq sulinermini nalinginnaasumik Kalaallit Nunaata avataani sulisartoq,
- 2) sulisartoq § 9, imm. 1-imi pineqartuni illuliornermik sanaartornermillu suliaqarnermi sulisussatut piffissami aalajangersimasumi Kalaallit Nunaanni sulisorineqartoq aamma
- 3) sulisartoq tamanna pillugu entreprenørerimut imaluunniit taassuma ataani pilersuisumut isumaqatigiissut naapertorlugu nr. 2 naapertorlugu suliaqarnermi sulisorineqartoq.

§ 14. Soraarnerussutisianut pinngitsoorani aaqqissuussineq pillugu lnatsisartut inatsisaat illuliornermi sanaartornernilu sulisunut nunanit allaneersunut, § 9, imm. 1-imi pineqartuni illuliornermik sanaartornermillu suliaqarnermi sulisorineqartunut, atuutinngilaq.

§ 15. Kalaallit Airports A/S-ip ingerlatseqatigiiffimmut maleruaqqusat naapertorlugit suliaqarnini ingerlatissavaa. Ingerlatseqatigiiffiup suliaqarnera tamarmiusoq niuerermik tunngaveqartumik ingerlanneqassaaq.

Imm. 2. Kalaallit Airports A/S-ip niuerfiusut imaluunniit atuuffit allamut suliakkiutigisinnaavai.

§ 16. Kalaallit Airports A/S ingerlatseqatigiiffiup mittarfiini atorneqarnerinut akinik aalajangersaasassaq.

Imm. 2. Ingerlatseqatigiiffiup mittarfiinut akit akinullu tunngaviusut Kalaallit Airports A/S-ip suliai tamarmiusut tunngavigalugit aammalu § 15-imni tunngavissat naapertorlugit aalajangersarneqartassapput.

Imm. 3. Ingerlatseqatigiiffiup mittarfiinut akit akinullu tunngaviusut, kiisalu taakkununnga allannguutissat Naalakersuisunit akuerineqartassapput.

Kapitali 6

Sanaartorfissagissaaneq nunalu tamakkerlugu pilersaarusiortarnermut malittarisassat

§ 17. Nuummi aamma Ilulissani nunani tamalaani mittarfinnik kiisalu Qaqortumi nunap immikkoortuani mittarfimmik Inatsisartut inatsisaat manna naapertorlugu sanaartornermut atatillugu, pisortanit ingerlanneqartumik attaveqaqtiginnermik pilersitsinissamik pisariaqartinneqalersunik sanaartornissamut aningaasartuutit akilerneqarnissaat pillugu Naalakersuisut kommuninut isumaqatigiissusiorsinnaassapput.

Imm. 2. Attaveqarnermi pisortanit ingerlanneqartuni annertuunik Nuummi, Ilulissani aamma Qaqortumi mittarfinnik Inatsisartut inatsisaat manna naapertorlugu sananermut ilaattillugu ajoquserneqartuni imaluunniit pisariaqartinneqalersuni, pilersitseqqinnissamut allanngortitsinissamullu aningaasartuutit aguarneqarnissaat pillugu Naalakersuisut Kalaallit Airport A/S-imut isumaqatigiissusiorsinnaapput.

§ 18. Naalakersuisut nuna tamakkerlugu pilersaarusiornissamut malittarisassani Inatsisartut inatsisaat manna naapertorlugu Nuummi, Ilulissani Qaqortumilu mittarfinnik, taakkunani lu aallartarfít tikittarfinnullu atortut aamma attaveqaqtiginnermuk aaqqissuussinerit ilanngullugit, tamatumalu kingunerisaanik pisortanit ingerlanneqartumik attaveqaqtiginnermik pilersitsineq sanaartornermut maleruagassanik sukumiisunik aalajangersaasinnaapput.

Imm. 2. Naalakersuisut nuna tamakkerlugu pilersaarusiornermi sumiiffit ilaannik, Inatsisartut inatsisaat manna naapertorlugu Nuummi, Ilulissani Qaqortumilu mittarfinnik, taakkunani lu attuumassuteqartunik aallartarfít tikittarfinnullu atortut aamma attaveqaqtiginnermuk aaqqissuussinerit ilanngullugit, aammalu pisortanit ingerlanneqartumik attaveqaqtiginnermik pilersitsineq, taakkulu kingunerisaanik atuinermut aalajangersakkat sukumiisut kommunimi pilersaarutitut inatsisitigut sunniuteqassanersut aalajangersinnaavaat.

Kapitali 7

Pinngitsaaliisummik taarsiissutitalimmik arsaarinninnissaq

§ 19. Naalakersuisut Nuummi, Ilulissani Qaqortumilu mittarfít, taakkulu aallartarfínut tikittarfinnullu atortut aamma attaveqaqtiginnermuk aaqqissuussinerit ilanngullugit illiorternerit sanaartornerillu, kiisalu tamatuma kingunerisaanik pisortanit ingerlanneqartumik attaveqaqtiginnermik pilersitsinermut

atatillugu, pisariaqartillugu pigisanik aalaakkaasunik pinngitsaaliisummik taarsiissutitalimmik arsaarinnissinnaapput. Pinngitsaaliisummik taarsiissutitalimmik arsaarinninneq, pinngitsaaliisummik taarsiissutitalimmik arsaarinnittarnerit pillugit Inatsisartut inatsisaanni maleruagassat malinnejassapput.

Kapitali 8

Nassiussanik imaatigut assartuussineq

§ 20. Inatsisartut inatsisaanni sanaartugassat illuliortiternissallu pineqartut suliarineqarnissaannut atortussanik imaatigut nassiussanik assartuinermi Kalaallit Nunaannut, Kalaallit Nunaanniit aamma Kalaallit Nunaanni nassiussanik imaatigut assartuisarneq pillugu Inatsisartut peqqussutaat atorneqassanngilaq.

Kapitali 9

Pisortanut naqissusiinermut akitsuut

§ 21. Allagaatinut, taarsigassarsinermut uppermarsaatinut, allagaatit naqinnerinut uppermarsaatinullu il.il., sanaartornermut illuliortiternernullu atatillugu suliarineqartunut, Inatsisartut inatsisaannut matumunnga ilaatinneqartunut pisortanut naqissusiinermut akitsuusiisoqassanngilaq.

Imm. 2. Naqissusiisussaannginnermut aamma allagaatit taarsigassarsinermullu uppermarsaatin il.il. pigisanik nalilinnik § 7 pineqartunut ilaasunik Kalaallit Airports A/S-imut tunniussinermut atatillugu suliarineqartut, ilaatinneqarput.

Kapitali 10

Atuuttussanngortitsineq

§ 22. Inatsisartut inatsisaat manna akuerineqarnermini atuutilerpoq.

Namminersorlutik Oqartussat, ulloq 22. november 2018

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut